

Канон Пресвятей Богородице в честь иконы Ея Почаевская

Празднование 8/21 сентября, пятница Светлой седмицы,
23 июля/5 августа

Тропарь, глас 5-й

Пред святою Твоею иконою, Владычице, молящиеся исцелений сподобляются, веры истинныя познание приемлют и агарянская нашествия отражают. Темже и нам, к Тебе припадающим, грехов оставление испроси, помыслы благочестия сердца наша просвети и к Сыну Твоему молитву вознеси о спасении душ наших (*дважды*).

Канон, глас 8-й,
*егоже краегранесие: Богородице Почаевская, спаси и
сохрани Православную Русь.*

Песнь 1

Ирмос: Поим Господеви, проведшему люди Своя сквозе Чермное море, яко Един славно прославися.

Припев: Пресвятая Госпоже Богородице, услыши молитву раб Своих, молящихся Тебе (*поклон*)¹.

Божью Матерь воспойм, вернии, моления к Ней приносяще и чудотворному Ея образу поклоняющиеся верою и любовью.

Пресвятая Госпоже Богородице, услыши молитву раб Своих, молящихся Тебе.

О Владычице, убогая хвалы наша не отвержи и греховныя нищеты не возгнушайся, но припадающия люди прими, яко благая, Благого же Родительница.

Пресвятая Госпоже Богородице, услыши молитву раб Своих, молящихся Тебе.

¹ Этот припев повторяется перед первыми (до «Слава») тропарями канонов Пресвятой Богородице, в каждой песни. Перед первым тропарем первой и девятой песней припев читается с поклоном, в остальных случаях – без поклона.

Гора́ Поча́евская, прѣжде тѣмная и безвѣстная, явлѣнием Твоимъ, Влады́чице, Синаю уподобися: тамо́ бо огонь, купину́ не палѣй, Тебѣ прообразоваше, zde же Самá, во огни́ зрѣмая, христиа́ном явилася еси́.

Пресвятáя Госпожé Богородице, услыши моли́тву раб Свои́х, моля́щихся Тебѣ.

Очи ва́ши блажѣни, о па́стырие овчии, Влады́чицу на горѣ Поча́евстей узрѣвши и тем ча́сти ви́флеѣмских па́стырей сподобльшиися. Тѣмже ўбо блажѣни суть христиа́не, сего́ не ви́девши, но вѣрою мѣсту тому́ покланя́ющися.

Слава: Рóди росси́йстии и от вся́каго языка́ вѣрнии, сошедшеся к мѣсту явлѣния Влады́чицы, чудотворному́ Ея́ образу поклонимся и о свои́х согрѣшѣннх воспла́чем, о милосѣрдии же Господни́и возра́дуемся.

И ныне: Огненный́ столп, Влады́чице, Тебѣ ино́ком и па́стырем явля́ше, нам же огонь рѣвности вложи́ в ду́шу, е́же вѣру и́стинную храни́ти, от вся́каго же глаго́ла еретическа́го отвраща́тися и греховну́ю отрѣвати прѣлесть от серде́ц на́ших.

Спаси́ от бед рабы́ Твоя́, Богородице, я́ко вси по Бо́зе к Тебѣ прибега́ем, я́ко неру́шимей стѣнѣ и предста́тельству (*поклон*).

Песнь 3

Ирмос: Ты еси́ утверждѣние притека́ющих к Тебѣ, Го́споди, Ты еси́ Свет омрачѣнных, и поёт Тя дух мой.

Пресвятáя Госпожé Богородице, услыши моли́тву раб Свои́х, моля́щихся Тебѣ.

Дар свящѣнный, странноприимства́ мзду, прият хри́столюбивая́ Анна ико́ну Твою́, Влады́чице, руко́ю святителя́, от нея́же исцелѣние брата́ своему́ слѣпу рождѣну́ ви́девши, сию́ во обитель Поча́евскую на о́бщую поль́зу дарствует.

Пресвятáя Госпожé Богородице, услыши моли́тву раб Свои́х, моля́щихся Тебѣ.

Ико́ну Поча́евскую Пречи́стыя Богородицы́ лобыза́им,

вѣрнии, и, покаѣние о гресѣхъ нашихъ принѣсше, здравія, и от нуждъ избавлѣнія, и во всехъ благіихъ начинаніихъ по́мощи от Влады́чицы воспрóсим.

Пресвятáя Госпожé Богородице, услы́ши моли́тву рабъ Свои́х, моля́щихся Тебé.

Цветъ прекра́сный на дрéве благосенноли́ственнемъ явѣся чудотворна́я ико́на Богородицы на святéй горé Поча́евстей: проси́те, вѣрнии, и да́тся вам, по глаго́лу Христо́ву, милосѣрдія дар, жити́ю ва́шему потрі́бный.

Пресвятáя Госпожé Богородице, услы́ши моли́тву рабъ Свои́х, моля́щихся Тебé.

Е́же вре́менному жити́ю потрі́бно бывáет, о бра́тие, вмáле полéзно есть, и сѣя да́рствует нам Господь, по моли́тве Ма́тере Своея́. Обáче терпя́щая пáче сихъ блажѣт и вѣчною ра́достию на небесѣ́хъ награжда́ет, ю́же нам дарова́ти, Влады́чице, помолѣ́ся.

Слава: Поча́евская це́рковь, чудотворный́ следъ стопы́ Твоея́, Богородице, покрывáющая и ико́ну Твою́ храня́щая, áки небесный́ входъ вѣрнымъ явля́ется, в не́йже моля́щимся помози́, о Влады́чице, земна́я попечѣ́ния отложѣ́ти, и еди́наго, е́же на потре́бу, желáти, и в моли́тве те́пле проси́ти.

И ны́не: Оле безумія́ иконобо́рцев, и́же ико́ну Твою́, Влады́чице, от Поча́евския обѣ́тели пленѣ́ша и, поругáнию преда́юще, кáру Бóжию áбие на ся наведóша, бесновáнием же обли́чене бѣ́вшея женé, у́жасомъ мно́гимъ содержа́хуся.

Спаси́ от бедъ рабы́ Твоѣя́, Богородице, я́ко вси по Бóзе к Тебé прибега́ем, я́ко неру́шимей стенé и предстáтельству (*поклон*).

Гóсподи, помѣ́луй (*трижды*). Сла́ва, и ны́не.

Седален, гласъ 6-й

Река́, обѣ́льно теку́щая, поко́ю не навѣ́че, ниже́ престáти от течѣ́ния водна́го возмо́жет, та́ко и молѣ́ния Твоѣя́, Влады́чице, о лю́дехъ прѣ́сно возно́симая, не престáют, но

праведныя от падений хранят, падшия же на покаяние возставляют. Нам же, Твоему образу поклоняющимся, сугубую умиления благодать даруют и вопити Тебе со Архангелом и Елисаветою воздвизают: благословена Ты еси в женах, и Твоего чрева Плод благословен есть.

Песнь 4

Ирмос: Услышах, Господи, смотрения Твоего таинство, разумех дела Твоя и прославих Твое Божество.

Пресвятая Госпоже Богородице, услыши молитву раб Своих, молящихся Тебе.

Часу и дни пришедшу возвращения иконы Твоея во обитель Почаевскую от иконоборцев, сию пленивших, возрадовася преподобный Иов со братиею, тую лобызающе; ныне же на всяк день и час приходящий во обитель Твою христиане туюже радость и веру пред нею свидетельствуют.

Пресвятая Госпоже Богородице, услыши молитву раб Своих, молящихся Тебе.

Аз, грешный, лениостию порабощен, о Владычице, благого Бога присно грехи своими прогневляю, ниже очи свои возвести к Нему дерзаю, но ко Твоему припадаю чудотворному образу, пред нимже кающийся прощение от Тебе прияша, и вопию: Господа, Сына Твоего, умилостави и мне предстательством Твоим.

Пресвятая Госпоже Богородице, услыши молитву раб Своих, молящихся Тебе.

Еда обрящется толико окамененный сердцем и безумен муж, иже не умилится, в церкви Почаевстей предстоити и святыням Твоим, Владычице, поклоняйся, чудеса же, от них бывшая, помышляя и верою молящихся видяи народы?

Пресвятая Госпоже Богородице, услыши молитву раб Своих, молящихся Тебе.

Видени быша мнози исцеленнии пред иконою Твоею, Владычице, слепии и хромии, слышани быша глушии и

неми́и возглаго́лавшии, та́мо бесни́и, воды́ от стопы́ Твоея́ пи́юще, от бесо́в свобождáхуся. Тёмже и мою́ прими́ моли́тву, е́же от бесо́вских страсте́й свободи́тися и свет спасéния Христо́ва вѣну созерца́ти.

Слава: Сый во узи́лици земли́ ту́рския пленён, ино́к Твоею́ си́лою, Влады́чице, на возду́се в го́ру Поча́евскую принесéся, у́бо и менé, во у́зах страсте́й суща, ны́не, в день сла́вы Твоея́, от тех свободи́ и ли́ку вéрою и любóвию пою́щих Тя сопричти́.

И ныне: Ко Твоему́ чудотворному́ образу́ прите́к, Влады́чице, и водо́ю от слéда стопы́ Твоея́ омыв́ся, сля́ченный недúгом ю́ноша áбие исцелé, слепáя же отрокови́ца, zde принесéнная, прозрé, и предумéрый младéнец воскресе, у́бо и менé, припада́юща, от смерто́снаго уны́ния воздвигни́ и душéвныя мо́и отвéрзи о́чи.

Спаси́ от бед рабы́ Твоя́, Богороди́це, я́ко вси по Бóзе к Тебé прибега́ем, я́ко неру́шимей стенé и предстáтельству (*поклон*).

Песнь 5

Ирмос: Утренююще, вопи́ем Ти: Го́споди, спаси́ ны, Ты бо еси́ Бог наш, разве Тебé ино́го не вéмы.

Пресвята́я Госпоже́ Богороди́це, услы́ши моли́тву раб Свои́х, моля́щихся Тебé.

А́ще и всех грешнѣ́йший есмь от тем людéй, ко Твое́й, Влады́чице, ико́не припада́ющих, а́ще и вси вéрою свое́ю мя превзыдо́ша, обáче и менé, окаяннаго, не отри́ни от Твоего́ заступлénия, мило́стей бэ́здну лю́дем во обители́ Твое́й явѣ́вшая.

Пресвята́я Госпоже́ Богороди́це, услы́ши моли́тву раб Свои́х, моля́щихся Тебé.

Я́коже ко всем призывáющим Тя мило́стива явля́ешия, издалéча ико́не Твое́й мы́сленно покланя́ющияся слы́шиши, и та́ко отро́чища нéкогого, по моли́тве праба́бы егó, воскресила́ еси́, и ны́не, о Влады́чице, ко всем, от конца́

землі Тебѣ молящимся, благоувѣтлива буди.

Пресвятая Госпоже Богородице, услыши молитву раб Своих, молящихся Тебѣ.

Се, Владычице, людей многая множества, на святую гору Твою притекающе, милости Твоея получитьи ищут, вернии вкупе с маловѣрными, праведнии и грешнии, с нимиже и Церкви Святей чуждѣи примѣтаются, всех убо помилуй, всем свет истинныя веры яви во спасение.

Пресвятая Госпоже Богородице, услыши молитву раб Своих, молящихся Тебѣ.

Почто аз, грешный, Пречистой Богоматери поклоняясь и исправите житие свое обещаваая, паки на прежняя прегрешения обращаюсь? Увы мне, еда злейший есмь неверных агарян, иже на горе Почаевстей покаяние принешие, добрии христиане содеяшася?

Слава: Аще и люти быша агаряне турстии, святую обитель Твою, Владычице, осаждающе, аще и стрѣлы в Тя, на небеси явльшуюся, пуцати дерзнуша, но сим на главы их возвращающимся, сердцем сокрушенным покаяшася и силу Твою исповедаша.

И ныне: Со Иовом преподобным на небесех Тебѣ зряще, Владычице, агаряном смятенным и бежащим, иноцы Почаевстии песнь воспѣша Ти достойную, со угодником Тебѣ благодаряще тепле.

Спаси от бед рабы Твоя, Богородице, яко вси по Бозе к Тебѣ прибегаем, яко нерушимей стени и предстательству (*поклон*).

Песнь 6

Ирмос: Ризу мне подаждь светлу, одеяйся светом, яко ризою, Многомилостиве Христе Боже наш.

Пресвятая Госпоже Богородице, услыши молитву раб Своих, молящихся Тебѣ.

Иже от агарян Тя, Владычице, на небесех узрѣша, друг друга вопрошаху: что есть видение сие ужасное? И ови, смятени бывше, друг друга убиваху, ови же, веру в сердце

своё приёмше, Крещёния трéбоваху, по сих же иноцы быша чрез все житиё, силу Твою воспевающе.

Пресвятая Госпоже Богородице, услыши молитву раб Своих, молящихся Тебе.

Иноки и мирскія люди, Твоему заступленію верующія, Владычице, обогати́ духовными дарованьми, маловёрныя же просвети́ и озари́, якоже тогда́ невёдевшия Христа́ агаряны в познание Его́ привела́ еси́.

Пресвятая Госпоже Богородице, услыши молитву раб Своих, молящихся Тебе.

Сохрани́ша па́мь Твоего́ заступленія, Владычице, агаряне, в зёмлю ту́рскую возвращешя, и ча́дом своим о явлёнии Твоем па́мь преда́ша. Кольми́ па́че нам, христиа́ном, чудеса́ Твоя́, на горé Почаевстей бывшая, па́мятовати подобает?

Пресвятая Госпоже Богородице, услыши молитву раб Своих, молящихся Тебе.

Образу Твоему́ мысленно припада́я, во глубо́кий кладязь впадый́ муж от несумнённой смёрти спасёся и, невредим из глубины́ подъя́т быв, Твоё проповедаше милосердіе.

Слава: Хотёл бых и аз, Владычице, вере́ спасённых Тобо́ю людей́ подража́ти, хотёл бых и аз Твоё заступленіе в жити́ моём улучшить́, но за мно́жество прегрешёний мо́их оскудевает мо́я ве́ра. Сію́ ўбо укрепі́ во мне, Владычице, вопіющем: верую́, помози́ моему́ неверію.

И ныне: Ров прельщёний лати́нских чрез сто и де́вять лет поглоті́ обитель Почаевскую, но Тво́им, Богородице, заступленіем па́ки та́я к высотé Правосла́вия изъёмлетя и Лавра́ имену́ется. Сію́ ўбо в Правосла́вней вере́ непоколебиму́ соблюди́ да́же до часа́ второ́го пришёствия Сы́на Твоего́ и Бо́га.

Спаси́ от бед рабы́ Твоя́, Богородице, яко́ вси по Бо́зе к Тебе́ прибега́ем, яко́ неру́шимей стене́ и предста́тельству (*поклон*).

Господи, помилуй (*трижды*). Слава, и ныне.

Кондак, глас 1-й

Источник исцелений и веры Православныя утверждение Почаевская Твоя икона, Богородице, явися, темже и нас, к ней притекающих, от бед и искушений свободи, Лавру Твою невредиму сохрани, Православие во окрест стоящих странах утверди и грехи разреши молитвенник Твоих, елика бо хочещи, можещи.

Икос

Востаните от гроб ваших, иноцы почаевстии, и рците нам: коликих чудес Пресвятыя Богородицы бысте зрители и свидетели, како мертвии пред Тоя иконою воскресаху, како демони от мучимых людей отбегаху, како недужнии тамо исцеляхуся, како невернии вероваху, како хулители тамо каяхуся? Сия бо дивная бываху человеком и Ангелом. Мы же, вся сия бывшая и доднесь бываемая воспоминающе, со страхом и умилением ко святей иконе Пречистой Богоматере молитвенно припадаем и глаголем сице: о милостей бездно и благодеяний сокровище, грехи разреши молитвенник Твоих: елика бо хочещи, можещи.

Песнь 7

Ирмос: От Иудеи дошедше отроцы, в Вавилоне иногда, верою Троицескою пламень пещный попраша, поюще: отцев Боже, благословен еси.

Пресвятая Госпоже Богородице, услыши молитву раб Своих, молящихся Тебе.

Акафистово пение возношаху пред иконою Твоею, Пречистая, православнии людие, егда обитель Почаевская Церкви возвращена бысть, тем убо оставление грехов испроси, нам же, молящим Ти ся, на враги пособствуй.

Пресвятая Госпоже Богородице, услыши молитву раб Своих, молящихся Тебе.

Народа православнаго души упокоити молися, Владычице, вкупе же и всех, о возвращении Лавры Твоея из

еретическаго плéна потрудившихся, нам же, к Тебé прибегающим, подаждь единомыслие и мир.

Пресвятáя Госпожé Богородице, услыши молитву раб Своих, молящихся Тебé.

И ныне народу нашему милостива буди, Владычице, и мир подаждь, покаряючи противоборствующия враги и супостаты.

Пресвятáя Госпожé Богородице, услыши молитву раб Своих, молящихся Тебé.

Пред Твоею иконою, Богородице, православным христианом возвращенною, паки исцеления приимати вернии навикоша: не у истекшу бо единому лету от того дне, уже четырьми чудесы Церковь Христову прославила еси во утешение людем.

Слава: Ра́я небéснаго сподоби ны, Владычице, святую Лавру Твою́ аки земный рай почитающия и Твоя́ милости теплою верою воспевающия.

И ныне: Авра́ам Господень день издалеча виде, и радовался, и чаянием того дне живяше; узревши же издалеча Твою́ Почаевскую церковь некая хромая жена́ и упованием Твоея́ помощи исполнившись, абие исцелé и, аки елень, воспрянувши, ко обители Твоей поспешаше.

Спаси́ от бед рабы́ Твоя́, Богородице, яко вси по Бóзе к Тебé прибегаем, яко нерушимей стенé и предстательству (*поклон*).

Песнь 8

Ирмос: Царя́ Небéснаго, Егóже поют вои Ангельстии, хвалите и превозносите во вся вéки.

Пресвятáя Госпожé Богородице, услыши молитву раб Своих, молящихся Тебé.

Во град Кíев от предел Ура́льских пришедшей женé бесней явися Богородица со преподобным Иовом и на гóру Почаевскую тую призываше, идеже здравие ей подавши, славити научи́ Своё заступлéние.

Пресвятая Госпоже Богородице, услыши молитву раб Своих, молящихся Тебе.

Омыв очеса своя в купели Силоамстей, приемлет слепорожденный зрение Христовым велением; омывшись же от воды стопныя в церкви Почаевстей, исцелел слепая отроковица. Убо и наше страстное ослепление исцели, Владычице, водою от следа стопы Твоея с верою кропящихся.

Пресвятая Госпоже Богородице, услыши молитву раб Своих, молящихся Тебе.

Сию отроковицу исцелену узрети, прабаба ея абие прельщения унитскаго отрицается и Православную исповедует веру, в нейже утверди и ны, рабы Твоя, о Владычице.

Пресвятая Госпоже Богородице, услыши молитву раб Своих, молящихся Тебе.

Людие Божии, на гору Твою, Владычице, притекающие, обеты подвиг благочестивых тамо приносят, яже дела исполнити помози им, Богородице.

Слава: Ангели на небеси Твою славу непрестанно воспевают, Богородице, на земли же человецы ко Твоему заступлению притекати не перестают, ихже воздыхания не отрини, яко благая, паче же на месте явления Твоего тех моления услыши.

И ныне: Велия Твоего заступления сила, о Владычице, егоже ради Сын Твой и Бог наш грешным прощение дарует, подвижающимся же крепость и унывающим утешение.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стеной и предстательству (*поклон*).

Песнь 9

Ирмос: Воистинну Богородицу, Тя исповедуем, спасеннии Тобою, Дево Чистая, с безплотными лики Тя величающе.

Пресвятая Госпоже Богородице, услыши молитву раб Своих,

молящихся Тебѣ.

Не то́чию е́дин по е́диному подвиза́ются христиа́не на гору́ Поча́евскую, но и от сугу́бо священнаго гра́да Кі́ева совоку́пльшеся ве́рнии, по́мощь от сея́ чудотво́рныя ико́ны в годи́ну бы́вшаго губи́тельства испове́даша и, подо́бие ея́ написа́вше, во святу́ю Ла́вру си́е принесо́ша.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебѣ.

Убо и во грядúщая лѣта спасай нас, Влады́чице, от губи́тельства и междоусóбныя бра́ни, от гла́да же и о́гненнаго запале́ния, зане́ оскуде́вшей крѣпости Душ на́ших, уны́ния исполня́емся в беда́х, неразу́мливи сýще.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебѣ.

Ю́жский преде́л земли́ росси́йска Поча́евскую ико́ну Влады́чицы и святу́ю Ла́вру Ея́, я́ко диа́диму ца́рствія, храні́т и сі́ми хва́лится; о́баче же и Се́верский, во гра́де Тобо́льском, чудотво́рное подо́бие тоя́жде Поча́евскія ико́ны моли́твою ино́ков себѣ испроси́.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебѣ.

Ру́сскую зѣмлю, о Влады́чице, я́ко безпреде́льное горы́ Твоея́ подно́жие, от бед и искуше́ний свободи́ и во благоче́стии ту́ю сохрани́ до сконча́нія ве́ка.

Слава: У́же несты́дно подня́вшимся ху́льным гла́сом посреде́ христиа́нскаго жи́тельства, не оста́ви, Богоро́дице, раб Твои́х в тех прельще́ния впа́сти, но ве́ру несумне́нну возгрева́й в сердца́х на́ших вы́ну.

И ны́не: Се вре́мя заступле́ния Пресвяты́я Богоро́дицы при́де, умно́жившимся собла́зном, се вре́мя на́ших к Ней воздыха́ний. О бра́тие! Рцем у́бо от всего́ се́рдца на́шего: Влады́чице! Помози́ лю́дем Твои́м.

Спаси́ от бед рабы́ Твоя́, Богоро́дице, я́ко вси по Бо́зе к Тебѣ прибега́ем, я́ко неру́шимей стене́ и предста́тельству (*поклон*).

Молитва

К Тебѣ, о Богомати, молитвенно притекаем мы, грѣшнии, чудеса Твоя, во святѣй Лавре Почаевстей явленная, поминающе и о своих сокрушающесе прегрѣшеніих. Вѣмы, Владычице, вѣмы, яко не подобаше нам, грѣшным, чесого просити, токмо о еже праведному Судии беззаконія наша оставити нам. Вся бо нами в житіи претерпенная, скорби же, и нѣжды, и болѣзни, яко плоды паденій наших прозябоша нам, Богу сия на исправленіе наше попускающе. Темже вся сия истиною и судом Своим наведе Господь на грѣшныя рабы Своя, иже в печалех своих к заступленію Твоему, Пречистая, притекоша и во умиленіи сердец к Тебѣ взываютъ сїце: грехов и беззаконій наших, Благая, не помяни, но паче всечестней рѣце Твоей воздвигши, к Сыну Твоему и Богу предстани, да люте содеянная нами отпустит нам, да за премногая неисполненная обещанія наша лица Своего от рабов Своих не отвратит, да благодати Своея, спасенію нашему пособствующия, от душ наших не отымет. Ей, Владычице, буди спасенію нашему ходатаица и, малодушія нашего не возгнушавшися, призри на стенанія наша, яже в бедѣх и скорбех наших пред чудотворным Твоим образом возносим. Просвети умиленными помысли умы наша, веру нашу укрепи, надежду утверди, любви сладчайший дар сподоби нас прияти. Сими убо, Пречистая, дарованьи, а не болѣзнями и скорбьми живот наш ко спасенію да возводится, но, от унынія и отчаянія души наша ограждающе, избави нас, маломощных, от находящих на ны бед, и нужд, и клеветы человеческия, и болѣзней нестерпимых. Даруй мир и благоустроение жителству христіанскому предстательством Твоим, Владычице, утверди Православную веру в странѣ нашей и во всем міре. Церковь Апостольскую и Соборную умаленію не предаждь, уставы святых отец на веки непоколебимы сохрани и всех к Тебѣ притекающих от рова погібельнаго спаси. Еще же и ересь прельщенных братьев наших или веру спасительную в греховныхъ страстѣх

погубивших паки к истинней вере и покаянию приведи, да вкупе с нами, Твоему чудотворному образу поклоняющемся, Твое предстательство исповедят. Сподоби убо нас, пресвятая Госпоже Богородице, еще и в животé сем победу истины Твоим заступлением узрети, сподоби нас благодатную радость прежде кончины нашей восприяти, якоже древле насельники Почаевския Твоим явлением победители и просветители агарян показала еси, да вси мы благодарным сердцем вкупе со Ангелы, и пророки, и апостолы, и со всеми святыми, Твое милосердие прославляюще, воздадим славу, честь и поклонение в Троице певаемому Богу Отцу и Сыну и Святому Духу, во веки веков. Аминь.